

三三醫書第二集第十四種

過庭錄存

杭州三三醫社出版

第 十 四 種
過 庭 錄 存
提 要

清名醫曹仁伯先生之遺著爲世所重惜未易
覓得本社前已在國醫百家叢書中刊行張汝
偉社友錄寄之琉球百問前集又刊曹氏醫案
本集計琉球問答奇病論延陵弟子紀要並本
書共可稱曹氏全書矣本書之稿亦承社友劉
哲明君錄惠劉君承先啟後之志有足多者當
代讀者馨香頂祝不已愿世之醫者各以劉君
之志爲志一祛從前自私自秘之惡習爲何如

庫本樣

三三醫書第二集總目

11 10 9 8 7 6 5 4 3 2 1

醫脈摘要
崇實堂醫案
千里醫案
醫學課兒策
經歷雜論
痢疾明辨
伏邪新書
鬼遺方
醫醫醫
察病指南
溫證指歸

22 21 20 19 18 17 16 15 14 13 12

女科折衷纂要
延陵弟子紀要
過庭錄存
醫中一得
醫學說約
醫學妙諦
發背對口治訣論
腳氣治法總要
集驗背疽方
伏瘟證治實驗談
肯堂醫論

33 32 31 30 29 28 27 26 25 24 23

楊科方書
和緩遺風
證治心傳
金氏門診方案
長沙證彙
治痢捷要新書
素問校義
中風論
琉球問答奇病論
羊毛瘟證論
走馬急疳方



過庭錄存

三三醫書第二集第十四種

吳郡曹存心仁伯氏著

江蘇劉哲明錄存

浙江裘吉生校刊

安徽程

先生之病素稟溼熱又挾陰虛之病也溼者何地之氣也熱者何天之氣也天地鬱蒸濕熱生焉天地交泰絀蘊生焉生生不息之機妙合於其間稟而受者濕熱元氣混合一家出自先天牢不可破較之外感內傷之濕熱屬在後天者一掃而盡豈可同日而語哉設使薄滋味遠房幃不過生瘡動血幼年所患等症而已惟從事膏粱更多嗜慾外增濕熱內耗陰精則臟腑營衛常有春夏之情而無秋冬之氣無怪乎其亥年之風火相煽耳苦於鳴豈非陽氣萬物盛上而躍之一驗乎當斯時也靜以養之則臍冷齒痛以下見症之外猶可相安於

無事何乃火上添油喜功生事陡然頭昏面赤一派炎炎之勢甚至火極似水陽不成其爲陽勢不成其爲勢肝經之火督脈之陽亦從而犯上失其本來面目矣近聞引火歸元以爲甘溫能除大熱嗟乎未聞道也甘溫能除大熱者良以下極陰寒眞陽上越引其火歸其源則坎離交媾太極自安若夫陰虛濕熱蒸動而上者投以清滋尙難對待斷不可以火濟火犯一誤不可再誤之戒然清已有法滋亦頻投飲食能增身體能胖外有餘矣而色色不能久立久坐卽病機中萬物陰陽不定未有主也之條際此外盛中空下虛上實用藥實難嘗見東垣之清燥湯丹溪之虎潛丸潤燥合宜剛柔協濟張氏每贊此兩方始克有賴何樂而不即用之耶無如藥力之所以載行者胃氣也胃屬陽明陽明中土萬物所歸濕熱竊踞亦久已薰蒸傳爲吐血嗽痰鼻塞噫氣二便失調正竅不和都屬胃病欲安內臟必先清其外腑又爲一要着至於秋末冬初病甚者

十月坤卦純陰天已靜矣而濕熱反爲之動腎欲藏矣而濕熱爲之露致邪失正能不令病之更進一層乎附方謹覆

青監四兩甘草八錢葶薺一斤海蜃二斤葶藶一兩飴糖八兩橘葉五錢霞天麴一兩五錢十大功勞葉一斤刺猬皮一兩五錢

右藥爲末竹瀝和水泛丸每服三錢清晨開水送下服完後合虎潛丸全料同合常服

杭州汪

承示病源陽分比陰分更虧顯有明徵陰虧而用十全養陰等法責重乎陰寓以陽藥本屬和平之劑良以秋分在即燥氣加臨不敢責重乎陽以燥就燥反增燥病焉耳然於膏方下云後日可加附桂斟酌用之一語早已言之非不見到也蓋天地之氣半月一更人身之氣亦半月一更八月而至九月氣已兩更

病勢不除飲食反減明明陰得膏滋而無病陽得膏滋而更衰一月之間陰陽偏勝一膏之內功過相抵可歎補偏救弊因時制宜應接不暇也所云廿七廿九兩日霜降始寒寒氣外侵痰飲內動動見青黃綠水尙屬陽明胃府至於黑色已自胃底而來腎虛水泛脾虛積飲已見一斑然神氣困頓面色青浮脈見雙弦以昭陽氣不充痰飲內聚宜矣而反忽然牙齒浮疼加以口苦酸泔呃忒於胃衝逆於脅變出一番火氣者肝火也肝氣也氣火之橫逆不外腎虛無以涵木木旺順乘脾土此等氣不足即是寒之根底反見氣有餘便是火之情狀所謂本寒標熱是也夫惟本寒標熱豈非陽氣之虛一較之陰氣更進一層耶此時論治離照當空始可陰蠶四散宗風虛則熾痰寒則壅之訓而出一星附散法以助脾陽俾虛風寒痰不相互結非獨分解病情而且土旺用事更合機宜如一立冬又不可以純陽無陰之品施於久病陰血本虧之體冬月宜藏之

令即以此方分兩三分之一日進一服參入前定膏方中只須五錢清晨傍晚再服水泛金匱腎氣丸一錢五分淡鹽湯送下以占冬至陽生勿藥而喜至於黑錫丹控涎丹本來合式因病處方隨機應變相時而動可也須俟尊處高明權之

西滙胡

天之熱氣下地之濕氣上人在氣交之中無隙可避虛而受者即名曰暑暑之爲言有濕有熱不言而喻夫暑先入心暑必傷氣氣分之濕不爲之先除則所留之熱必不能外出所以暑濕熱三氣交蒸之先務須消去其濕正合古人消暑在消其濕之旨也然濕邪一去熱氣卽從外達又名暑熱不名暑濕一氣而有兩名前後之用藥亦異蓋以熱則傷陰氣亦更弱無怪乎鼻衄舊恙上從清道而出身體困倦飲食漸減脈轉弦數陽分更熱口內知乾種種見其虛中有

實之象焉但暑邪一症河間每論三焦現在頭額蒙邪熱偏於中上惟衄去過多虛在下焦陰液如此細診斷在少陰不足陽明有餘有何疑惑哉擬景岳玉女煎法俾得中下焦熱氣上薰於肺者悉從暗化而下焦之陰氣亦不再傷仍不出乎劉氏三焦治例未識當否

細生地煨石羔淮牛膝麥冬知母

藩署蕭

人生四十陰氣自半從古至今未嘗不若是也惟尊軀之所獨異者正在濕痰素多陽事早痿耳嘗閱醫書夜臥臂在被外者每易招寒而痛露臂枕兒者亦易受寒而痛此間之痛雖非二者可比而其起痛之因本於臥在竹榻竹榻之性寒涼者也日日臥之則寒涼之氣未有不襲筋絡骨較之前二條之偶傷筋絡者更進一層矣所以陽氣不宣屈伸不利痛無虛日喜熱惡寒仲景云一臂

不舉此爲痹載在中風門中雖非真中而却類中之機豈容忽視現在治法首重補陽兼養陰血寓之以驅寒加之以化痰再取經絡通之則一方制度自不失君臣佐使焉

製川附黨參片薑黃炙草大熟地當歸白芍橘紅風化硝桂枝西羌活沉香
海桐皮只壳野於朮茯苓綿黃芪阿膠製半夏虎掌

右爲末取竹瀝一茶碗薑汁一調羹入淡蜜水泛丸

松江朱逢辰次診

左升太過右降不及何經之病曰左屬肝右屬肺肺肝同病自然升降失常然肺爲五藏華蓋肝脈布於兩脇此左升僅屬於肝右降反屬於肺何也蓋肝體在旁肺體在上只就位置而言若論其作用內經又曰肝居人左肺居人右右之不降肺正失其清肅之用也左之過升肝反多所橫逆之用也橫逆之邪加

於清肅之所木寡於畏反侮於金無怪乎身半以左之氣旋之於右既不能透徹於上亦不能歸宿於下有如邪正相爭盤旋脅部直至得下後與氣則快然如衰者木究不能上越於金而仍下洩於土也夫土曰稼穡作甘者也木曰曲直作酸者也口甘帶酸痰唾亦然何莫非土受木乘之過木亦太剛矣哉誰能柔之惟有左金一方以爲尅木之制則木正其體金得其用何患升降之不得常耶

左金丸

復朱逢辰書

接讀手書荷蒙錦念謝謝所諭氣火益熾等證即古語云氣有餘便是火氣從左邊起者左肝火也左金丸主之當歸龍薈丸亦主之今既左金一丸如水投石自宜以當歸龍薈丸繼之於後未嘗不可爲法惟我先生有爲癰爲血不可

不預防一語云出自高明定有灼見弟始而駭然繼且茫然幾不知筆從何處着矣我先生如飢如渴以望一方惟速爲貴而弟又刻無暇晷夜以繼日有者求之無者求之必得一左之右之無不宜之之要法然後可以復書非敢緩也蓋有待也端午日下問者少徒輩聚在一堂講論百病皆生於氣遂有九氣不同之說氣本一也因所觸而爲九夫怒與思爲九氣中之二焉思則氣結內經自爲註脚云思則心有所存神有所歸正氣留而不行故氣結先生有之至於怒則氣上甚則嘔血怒則氣逆筋緩發於外爲癰疽古人亦載於氣門以昭邪鬱必變久病入絡非無意也先生亦有焉弟即從此領悟曰怒有形於外者亦有不形於外者暴怒傳陰不形於外者鬱怒傷肝惟其鬱也木即不能斃茂條達反來橫逆則氣鬱於中者勢必火炎於上金受火刑有升無降痰血熱辣一病於肺痞滿鬱塞再病於脾脾肺同病則胃家之痰食無力以消膽經之木火

從而和之將來血溢於上癰腫於經絡增出一番新病誠不能未雨而綢繆也然爲癰爲血之枝葉仍不外乎氣鬱爲火之根底治病必求其本因思氣從左邊起者條內有久患氣結諸藥不效者先服沉香化氣丸以開其結之文不獨將來之變病可以預防即現在之氣火升騰亦爲合劑而況右脈弦強即土鬱奪之之法耶惟沉香化氣丸重劑也權宜用之而已元虛久病之體於病不能不用而亦不可多用清晨宜服八分晚服逍遙六君輩調之補之以爲實必顧虛之計未知是否請 正

朝服沉香化氣丸 晚服逍遙散合六君子湯（去半夏）人參加北沙參川貝）

嘉善吳

大小便易位而出名曰交腸陡然氣亂於中原屬暴病不料遲之又久腸間穢

物歸併膀胱悉從小便而出較之交腸症似是而實非矣良由瘀血內阻大腸廢而不用幽門闢爲坦徑闢門不司泌別舍故趨新舍寬趨隘日癆一日漫無愈期竊恐元氣不支而敗此時論治必須故道復通瘀血漸消庶乎近理

旋覆花新絳青蔥管歸鬚柏子仁首烏薺菜花另用舊烏紗帽一頂炙灰每服錢半溫酒下

常熟李

驚悸起因傳爲顫振繼以寤寐不寧左脈細軟右關弦數數則爲火弦則爲痰細軟又主乎虛虛在肝腎兼以痰火結於脾胃所以能食少運肢體軟弱口燥身麻也連日固本既屬安適無容更張惟痰火內勝不得不以十味溫膽法加減佐之以爲標本兼顧之計俾得虛不再虛實者不實未知是否

人參大熟地天冬大生地茯神柏子仁棗仁石決明橘紅當歸身川貝鮮竹

茹龍齒

次診

顫振一症乃陰氣爭勝顫則陽氣不復其勢之來上衝則鼓頷四散則肢動至於肉腠筋惕不過來勢之輕者平補鎮心而已惟肝不藏魂寤寐失常胆又內怯驚悸時作加以痰火串入其間法須兼備冀免厥塞

人參龍齒歸身遠志茯神麥冬橘紅生地棗仁川連三分拌炒胆星秫米半夏竹瀝拌石決明竹茹鈎藤

三診

顫振不發於冬至已責陽氣不復此在冬至以前發者尤爲陽氣不復不言而喻至於陰氣爭勝似未可解而不知陰氣之所以爭勝者皆爲陽氣不充未經來復之故若能來復則陰氣何能爭勝然陰之爭勝固已而其所爭所勝之陰

究係何物邪氣曰肝屬陰痰亦屬陰痰屬於脾脾經所生之痰內因肝經之陰火下動動則生風痰亦隨之而逆此顛振之所由來也豈獨諸風掉眩皆屬於肝而已哉惟本有驚悸此因顛振而更劇無怪乎其寤多寐少也

人參冬朮茯神炙草半夏陳皮大生地麥冬歸身白芍酸棗仁遠志秫米竹茹石決明鈎藤 先服磁硃丸二錢陳皮湯下

崑山陳

胃脘當心而痛繼以形寒發熱如癰而作甚至呃忒頻頻此係溫邪外感穢濁內踞加以濕痰食滯交結中宮也設使中宮之陽氣內旺所受之邪容易化達茲乃元氣本虛諸邪又傷於後無力消除病延多日所以脈象空弦神情困倦非補不可時也但舌苔白膩乾欲熱飲下體先痹今更作麻曠逆噁心邪戀肺胃而腎氣亦衰用藥極難兼顧然溫養中宮佐以上下分治之品俾得一舉而

三善備焉以冀即日見長爲幸否則氣息易喘恐增額汗伊可畏也

人參於朮製川附炙草半夏川朴旋覆花木瓜麥冬茅根淡乾薑丁香枇杷葉藿香代赭石

進前劑麻痺得和四肢亦緩且得吐出陳腐酸苦其色若塵此皆得溫而通也然呃忒頻頻氣息短促呻吟不絕噦逆嘔惡之象仍不能除神情困倦左脈空細右脈弦急大便澹黑喜飲熱湯濕痰邪滯之外又有瘀血在裏邪從上出不下行已爲逆症而況嘔吐之時曾經額汗能不慮其虛波暗起而脫乎噦逆嘔吐無不由於氣之所載氣若不平諸症何從化解將前方加減先使氣平爲要

旋覆花代赭石半夏牛膝西洋參刀豈子杏仁檳榔角沉香台烏藥大補陰丸